
Tuhaagakhat

KANATAMI AVIKTURVIINILU MANIKHAKHAUTIT ATUQTAUNIAQTUT MALRUUNGNUT AULAPKAIDJUTIKHANUT IQALUKTUUTTAMI

Iqaluktuuttiaq, Nunavut, Qiqailruq 19, 2012 – Nuatqatigiit Iqaluktuuttiami ikayuqtaunialiqitut nakuuhautikhainik imiqarviannik ingilravikhaaniglu qanaaqt kangiqhipkautaannit man’ngit kavamatkut Kanatami Nunvaunmillu.

Nan’ngriyauyuq Leona Algukkaq, Ministauyuq Aanniaqtailinirmut uumungalu Ministauyuq Piyangaiyanirmut, ilauyuq Nan’ngariyauyuq Keith Peterson-mit Nunavunmi Ministauyuq Munaqhiliqiyit Inuuhiqattialliriyillu, uumungalu Nan’ngariyauyuq Lorne Kusugak, Nunavunmi Ministauyuq Nunallaaliqiyit Kavamaliqiyinut unalu Nan’ngariyauyuq Peter Taptunam Nunavunmi Ministauyuq Piyangaiyanirmut Ingilrayuliqiyinut unniudjuigamik \$28.23 miliat taalat tikkuaqtauyuq ihuaqhaidjutikhaat Iqaluktuuttiami milvianik himmauhirlugulu nunallaap imiqtarviat.

“Kanatami Kavamatkut piyumaliqtut angigiliryuumiqhilutik nakuuhailutik Kanatap Ukiuqtaqtuanik.” uqaqtuq Ministauyuq Algukkaq. “Ihuaqhaidjutaa Iqaluktuuttiaq milvia imiqtarvialu naunaitkutaayut akhuurutaublutik nakuuhariangani piyangaiyariangani avikturvik – ihuarutit kavamapta Ukiuqtartumi Parnaiyautaini.”

“Inuit Iqaluktuuttiami ikayuqtauniaqtut nutaamit, havattiatauyumik imiqtarvingmit,” uqaqtuq Keith Peterson, Maligaliuqtiuqatauyuq Maligaliurvingmi Iqaluktuuttiamut. “Ihuaqhautaa milviup anniqtailiutauniaqtuq piyangaiyarnirmullu aulalirluni.”

Tutqutiudjutaa uuma hulidjutikhap nakutqiyauyunik aulapkaidjutauniaqtuq Ukiuqtaqtumi. Ihuaqhautikhaa milviu nunaanut Iqaluktuuttiaq milviani ihuarutauniaqtuq aullaqtunut imaalu agyaqtauhianullu tamaanut avikturvingmut. Imaalu, nutaaq imiqtarvikhaq nuatqatigiit Iqaluktuuttiami halumayumik imarmik imiqtarviniglutik.

Ukuak havaakhak malrutuanguyuk naunaiqtauyuk Nunavunmi 2011-12-mit 2013-14-mut Angiyut Havaakhat ataani Kanatap Kavamaanit Arikurviinut Manikhaakhaini. Kangiqhipkariiqhimayayut hulidjutikhat ilauyuq avatqumayuq \$57.2 mkilat taala iligiit manikhaakhautaat milviat ihuaqhautikhaat Kangiqhinirmi unalu nutaaq aulavikhaat imaup Qauyuittumi.

Ataani Avikturviit Manikhaakhautaini angirutaini Kanatami Havaakhat upalungaiyautaini Nunavut piniyaqtuq \$182.68 miliat aalanik Kanatap Kavamaanit aulapkaidjutikhaanut piyumalluaqtainnut ukuninga, imakktut, iqqakuurnikkut, halumayunik auladjutikhainut, ukuningalu aannirnitunik apqutinik.

Iitturiyuumirumaguvit Aulapkaidjutikhanikkut Kanatami havaakhat Nunavunmi pulaarlugu www.infrastructure.gc.ca.

- 30 -

Ayuiryuumigumaguvit Kanatami Piyangaiyarnianikkut Havaakhainik, pulaarlutit www.actionplan.gc.ca.

Iitturiyuumirumaguvit:

Geneviève Sicard
Havagvia Ministauyuq Ingilradjutit Auladjutikhat Nunallaanilu
613-991-0700

Elissa McKinnon
Havagvia Nunallaaliqiyit Kavamaliqiyit
Nunavut Kavamangat
867-975-5342

Auladjutikhat Kanatami
613-960-9251 or
akiittuq 1-877-250-7154